

>>Suri rumah turut menanggung kesakitan pada badan akibat dibelasah lelaki yang berusia 39 tahun itu



setempat

23

HARIAN METRO

# Tali pinggang **singgah** di muka

■ Wanita cedera pada telinga kiri, tubuh sakit dibelasah suami naik hantu

Harian metro  
25/10/16  
ms-23

Zatul Iffah Zolkipli  
zatuliffah@hmetro.com.my

Kuala Terengganu

Seorang wanita menerima empat jahitan di telinga kirinya akibat dibelasah suaminya menggunakan tali pinggang dalam kejadian di Jalan Sultan Omar, Mengabang Akar di sini, pada Khamis lalu.

Malah, suri rumah itu turut

menanggung kesakitan pada badan akibat dibelasah lelaki yang berusia 39 tahun itu.

Menurut sumber, kejadian malang menimpa mangsa yang berusia 35 tahun itu hanya diketahui kakak iparnya berusia 40 tahun yang berada di Kuantan, Pahang.

Katanya, mangsa dikatakan menghubungi kakak iparnya jam 6.30 petang pada hari kejadian bagi memaklumkan mengenai kejadian dia dibelasah suaminya de-

“Mangsa dikatakan menghubungi kakak iparnya jam 6.30 petang pada hari kejadian bagi memaklumkan mengenai kejadian dia dibelasah suaminya”

Sumber

ngan menggunakan tali pinggang

“Mangsa memaklumkan suspek tiba-tiba naik hantu dengan memukul mukanya tanpa mengendahkan rayuan mangsa meminta suspek berhenti memukulnya.

“Mangsa juga memaklumkan tidak tahu mengapa suspek bertindak demikian kerana secara tiba-tiba memukulnya tanpa memberi sebab dia diperlakukan demikian,” katanya.

Susulan kejadian itu, kakak ipar mangsa yang bimbang keselamatan mangsa mengambil keputusan membuat laporan di Balai Polis Kuantan.

Sementara itu, Ketua Polis Daerah Kuala Terengganu Asisten Komisioner Idris Abd Rafar ketika dihubungi menegaskan ada menerima laporan berhubung kejadian selepas dirujuk laporan dibuat keluarga mangsa.

Menurutnya, susulan itu

suspek yang positif dadah jenis amphetamine ditahan jam 12.25 tengah malam pada Sabtu lalu.

“Suspek yang tidak memiliki rekod jenayah lampau itu kini direman untuk siasatan lanjut mengikut Seksyen 324 Kanun Keseksaan kerana dengan sengaja menyebabkan cedera menggunakan senjata atau lain-lain benda berbahaya dan Seksyen 18 (A) Akta Keganasan Rumah Tangga.